

**Perpustakaan Negara Akan Laksana Dokumentasi Digital Mulai Mac Tahun Depan
Bernama
28 Mac, 2012**

KUALA LUMPUR, 28 Mac (Bernama) -- Perpustakaan Negara Malaysia (PNM) dijangka melaksanakan sistem katalog "Resource Description Access" (RDA), serta mengumpul dan mendapatkan maklumat dari sumber digital dan luar mulai tahun depan.

Menyatakan demikian, Ketua Pengarahnya, Datuk Raslin Abu Bakar berkata dengan kebanjiran masuk sumber atau dengan mewujudkan hubungan metadata dari 'format multiple' seperti buku kulit keras, buku cetak dan buku audio, perpustakaan perlu mengubah sistem katalog standardnya sekarang "Anglo-American Cataloguing Rules" (AACR2) kepada standard RDA yang lebih mesra pengguna.

"Sebagai sebuah agensi terkemuka di Malaysia, PNM dapat merasakan desakan untuk respon terhadap perubahan-perubahan ini dan melaksanakan langkah memperkenalkan perpustakaan Malaysia kepada RDA," katanya kepada pemberita selepas merasmikan seminar mengenai "RDA: Standard Kawalan Bibliografi Masa Depan" di sini Selasa.

Antara penceramah ialah Dr Barbara B. Tillet, Ketua "Library of Congress's Policy and Standards Division" Amerika Syarikat.

Raslin berkata PNM telah membentuk sebuah konsortium Katalog Kesatuan Malaysia (NUC) dalam talian, sebuah perkhidmatan perkongsian sumber, di kalangan 101 perpustakaan di Malaysia dan perkhidmatan ini menyediakan akses kepada sumber maklumat komprehensif mengenai bahan perpustakaan di negara ini.

--BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=655302>